

شَهْرُ شَعْبَانَ

آدَابُ وَأَحْكَامُ

MWEZI WA SHA'BANI
ADABU (ZAKE) NA HUKUMU MBALIMBALI

Mwandishi

Abu Halima Arafat Bin Mahmoud

Simu: 0715263253

YALIYOTHIBITI KATIKA MWEZI WA SHA'BANI¹:

Jambo la kwanza: Sababu ya kuitwa kwake Sha'bani:

Amesema Ibn Hajar (Allaah amrehemu):

"وَسُمِّيَ شَعْبَانٌ لِتَشَعُّبِهِمْ فِي طَلَبِ الْمِيَاهِ أَوْ فِي الْغَارَاتِ بَعْدَ أَنْ يَخْرُجَ شَهْرُ رَجَبٍ الْحَرَامِ"

"Umeitwa mwezi wa sha'bani kwa sababu ya kutawanyika kwao katika kutafuta maji au kwa kuingia kwao kwenye mapambano (vita) baada ya kumalizika kwa mwezi mtakatifu wa rajab"⁽²⁾.

Jambo la pili: Fadhila za mwezi wa sha'bani:

1. Kupandishwa matendo ya waja mbinguni:

Amesema Usama Bin Zaid (Allaah amrehemu):

يَا رَسُولَ اللَّهِ، لَمْ أَرَكَ تَصُومُ شَهْرًا مِنَ الشُّهُورِ مَا تَصُومُ مِنْ شَعْبَانَ، قَالَ: «ذَلِكَ شَهْرٌ يَغْفُلُ النَّاسُ عَنْهُ بَيْنَ رَجَبٍ وَرَمَضَانَ، وَهُوَ شَهْرٌ تُرْفَعُ فِيهِ الْأَعْمَالُ إِلَى رَبِّ الْعَالَمِينَ، فَأَحِبُّ أَنْ يُزْفَعَ عَمَلِي وَأَنَا صَائِمٌ».

[Ewe Mtume wa Allaah, sijakuona ukifunga mwezi wowote katika miezi (yote kumi na mbili) kuliko unavyofunga katika mwezi wa sha'bani, akasema: "Huo ni mwezi ambao watu wanaghafilika nao baina ya rajab na ramadhani, nao ni mwezi ambao hupandishwa ndani yake matendo ya waja kwenda kwa Mola Mlezi wa viumbe wote, basi ninapenda mimi yapandishwe matendo yangu hali ya kuwa nimefunga]⁽³⁾.

¹- Niliandika Makala hii 3/sha'bani/1443^H – 6/3/2022^M, kwa hiyo hakuna tafauti kubwa pamoja kuna baadhi ya mambo nimeongeza katika Makala namba 2.

²- Kitabu: [Fat-hul baary], (Jz. 4, Uk. 213).

³- Kitabu: [Sunan Nnasai], [2357].

Faida za hadithi hii:

- a) Pupa ya Maswahaba katika kumuuliza Mtume ﷺ jambo ambalo hawalijui.
- b) Sunna ya kukithirisha kufunga katika mwezi wa sha'bani.
- c) Uzuri wa jawabu la Mtume ﷺ kiasi ambacho ametaja sababu ya yeye kufunga sana mwezi wa sha'bani: (mwezi ambao watu wanaghafilika nao...), pamoja na kuhimiza watu kufunga sana katika mwezi huo: (nao ni mwezi ambao hupandishwa ndani yake matendo ya waja kwenda kwa Mola Mlezi..).
- d) Hadithi imebainisha wazi makosa ya baadhi ya watu ambao, wamehusisha ibada ya kufunga katika mwezi wa rajabu, na Mtume ﷺ amehusisha kufunga mwezi wa sha'bani
- e) Kuthibiti kupandishwa matendo ya waja mbinguni katika mwezi wa sha'bani.
- f) Hadithi hii ni dalili ya wazi kwamba miongoni mwa sifa za Allaah, ni kuwa yeye yupo juu (mbinguni), na baadhi ya maulamaa wakubwa wa kishafi wanasema: **"Kuna zaidi ya dalili elfu moja ndani ya Qur'an zinafahamisha kwamba Allaah Ta'ala yupo juu ya viumbe wake"**. [Majmuul Fataawa] (Jz. 5, Uk. 121).
- g) Haifai kuweka ibada yoyote katika siku au mwezi fulani isipokuwa kwa dalili ﷺ.
- h) Kujitahidi kufanya ibada wakati watu wengine wanapoghafilika, amesema Ibn Rajab (Allaah amrehemu): **"Na katika hadithi hii (ya Usama) kuna dalili ya kuhimizwa watu kujiimarisha katika twaa (na ibada) wakati watu wengine wanapoghafilika, na kwamba jambo hilo ni sunnah"**. [Latwaaful maarif] (Uk. 251).

2. Kukithirisha kwake Mtume ﷺ kufunga katika mwezi huo:

Amesema Aisha (Allaah amridhie):

"كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ يَصُومُ حَتَّى نَقُولَ: لَا يُفْطِرُ، وَيُفْطِرُ حَتَّى نَقُولَ: لَا يَصُومُ، وَمَا رَأَيْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ اسْتَكْمَلَ صِيَامَ شَهْرٍ قَطُّ إِلَّا رَمَضَانَ وَمَا رَأَيْتُهُ فِي شَهْرِ أَكْثَرِ مِنْهُ صِيَامًا فِي شَعْبَانَ"

[Mtume ﷺ alikuwa akifunga mpaka tunasema hatokula (mchana), na alikuwa akila (mchana) mpaka tunasema hatafunga, na sijamuona Mtume ﷺ amekamilisha kufunga mwezi wowote isipokuwa ramadhani, na sijamuona katika mwezi wowote ni mwingi zaidi kwa kufunga kuliko sha'bani]⁽⁴⁾.

⁴- Kitabu: [Muslim] (175).

3. Kusamehewa madhambi katikati ya mwezi wa sha'bani:

Amesema Mtume ﷺ:

«يَطْلُعُ اللَّهُ إِلَى خَلْقِهِ فِي لَيْلَةِ النَّصْفِ مِنْ شَعْبَانَ فَيَغْفِرُ لَجَمِيعِ خَلْقِهِ إِلَّا لِمُشْرِكٍ أَوْ مُشَاحِنٍ»

[Allaah huwaangalia (kwa huruma) waja wake katika usiku wa katikati ya (mwezi wa) sha'bani, kisha huwasamehe waja wake wote isipokuwa mshirikina na hasidi]⁽⁵⁾.

Pia kuna maana nyingine ya neno (Mushaahin), kwamba ni mtu aliyefarikiana na ndugu yake na kutengana nae zaidi ya siku tatu kwa sababu ya mambo na maslahi ya kidunia si kwa ajili ya dini.

Na amesema Imamul Auzaai' (Allaah amrehemu):

"أَرَادَ بِالْمُشَاحِنِ هَا هُنَا صَاحِبَ الْبِدْعَةِ"

"Amekusudia kwa neno (Mushaahin) hapa kuwa ni mtu wa bidaa"⁽⁶⁾.

Jambo la tatu: Hekima ya kufunga sana mwezi wa sha'bani:

Amesema Ibn Rajab (Allaah amrehemu):

"وَقَدْ قِيلَ: أَنَّ صِيَامَهُ كَالْتَمَرِينِ عَلَى صِيَامِ رَمَضَانَ لِئَلَّا يَدْخُلَ فِي صَوْمِ رَمَضَانَ عَلَى مَشَقَّةٍ وَكُلْفَةٍ بَلْ قَدْ تَمَرَّنَ عَلَى الصِّيَامِ وَاعْتَادَهُ وَوَجَدَ بِصِيَامِ شَعْبَانَ قَبْلَهُ حَلَاوَةَ الصِّيَامِ وَلَذَّتُهُ فَيَدْخُلُ فِي صِيَامِ رَمَضَانَ بِقُوَّةٍ وَنَشَاطٍ..."

"Na imesemwa: kufunga kwake (sha'bani) ni kujizoesha juu ya kufunga mwezi wa ramadhani, ili asije akaingia katika funga ya ramadhani kwa tabu na shida, bali (aingie) hali ya kuwa amepata mazoezi juu ya funga na amejizoesha kufunga, na amepata utamu na ladha ya funga kwa ajili ya kufunga kwake mwezi wa sha'bani ulio kabla ya ramadhani, kwa hiyo ataingia kufunga ramadhani kwa nguvu na furaha".

"وَلَمَّا كَانَ شَعْبَانُ كَالْمُقَدِّمَةِ لِرَمَضَانَ شُرِعَ فِيهِ مَا يُشْرَعُ فِي رَمَضَانَ مِنَ الصِّيَامِ وَقِرَاءَةِ الْقُرْآنِ لِيَحْصُلَ التَّأَهُُّبُ لِتَلَقِّي رَمَضَانَ وَتَرْتَاضَ النُّفُوسُ بِذَلِكَ عَلَى طَاعَةِ الرَّحْمَنِ"

⁵- Kitabu: [Sunan Ibn Maajah] (5665).

⁶- Kitabu: [As Swahiiha] (Jz. 4, Uk. 86).

“Wakati ulipokuwa mwezi wa sha'bani ni kama utangulizi wa ramadhani basi imewekwa sheria ya kufunga ndani yake na kusoma Qur'an kama ilivyokuwa katika mwezi wa ramadhani kwa ajili ya maandalizi ya kuipokea ramadhani na kuzitoesha nafsi kwa jambo hilo juu kumtii Allaah, Mwingi wa rehema”(7).

Jambo la nne: Katazo la kufunga nusu ya pili ya sha'bani:

Mtume ﷺ amesema:

«إِذَا انْتَصَفَ شَعْبَانُ فَلَا تَصُومُوا»
[Inapofika nusu ya sha'bani msifunge](8).

Pia amesema:

«إِذَا بَقِيَ نِصْفٌ مِنْ شَعْبَانَ فَلَا تَصُومُوا»
[Itakapobaki nusu ya sha'bani msifunge](9).

Na Imam Tirmidh ameweka mlango katika Sunan yake unasema:

"بَابُ مَا جَاءَ فِي كَرَاهِيَةِ الصَّوْمِ فِي النِّصْفِ الْبَاقِي مِنْ شَعْبَانَ لِحَالِ رَمَضَانَ"
“Huu ni mlango wa hadithi iliyokuja kuhusu karaha ya kufunga katika nusu iliyobaki ya mwezi wa sha'bani kwa ajili ya kuikaribisha ramadhani”(10).

Na kauli yenye nguvu kuhusiana na kufunga nusu ya pili ya mwezi wa sha'bani, kuanzia katikati ya sha'bani mpaka mwisho wa mwezi, jambo hili haitafaa kwa mtu ambaye hana kawaida ya kufunga, halafu akaanza kufunga baada ya kumalizika siku kumi na tano za mwanzo wa mwezi wa sha'bani, na kuna baadhi yao wanafunga kwa malengo ya kuupokea na kuukaribisha mwezi wa ramadhani, jambo hilo pia halifai. Ama yule ambaye ana kawaida ya kufunga siku ya jumatatu na al-khamisi au kufunga siku moja na kufungua siku moja (swaumu ya Nabii Daud alaihis-swalaatu was-salaamu), au anafunga swaumu ya kafara, nadhiri au

7- Kitabu: [Latwaaiful Maarif] (Uk. 134-135).

8- Kitabu: [Abu daud] (2339).

9- Kitabu: [Tirmidh] (738).

10- Mlango wa (38) ambao chini yake kuna hadithi namba (738).

analipa masiku yaliyompita katika mwezi wa ramadhani, au ameanza kufunga kuanzia mwanzo wa sha'bani kwa nia ya kufunga siku nyingi katika mwezi huo, kumfuta Mtume (Swala na Salamu zimshukie), mtu huyo itafaa kwake kuendelea na funga yake hata baada ya nusu ya pili ya mwezi wa sha'bani, na mtu mwenye kawaida ya kufunga sunnah anaruhusiwa kufunga mpaka mwisho hta kama zimebaki siku mbili au moja kabla ya kuingia ramadhani, kwa hadithi ya Mtume ﷺ inayosema:

«لَا يَتَقَدَّمَنَّ أَحَدُكُمْ رَمَضَانَ بِصَوْمٍ يَوْمٍ أَوْ يَوْمَيْنِ، إِلَّا أَنْ يَكُونَ رَجُلٌ كَانَ يَصُومُ صَوْمَهُ، فَلْيَصُمْ ذَلِكَ الْيَوْمَ»

[Asiutangulie mmoja wenu (mwezi wa) ramadhani kwa kufunga siku moja au mbili (kabla), isipokuwa mtu ambaye alikuwa anafunga saumu yake (kawaida yake), basi na afunge siku hiyo]⁽¹¹⁾.

Wanachuoni wanasema kwamba haingii katika katazo hilo mtu mwenye kawaida ya kufunga sunna, yeye ataendelea na wala hakuna tatizo.

Baadhi ya mambo wakiyofanya baadhi ya SSalaf katika mwezi wa sha'bani:

Amesema Salama Ibn Kuhail (Allaah amrehemu):

"كَانَ يُقَالُ: شَهْرُ شَعْبَانَ شَهْرُ الْقُرَاءِ وَكَانَ حَبِيبُ بْنُ أَبِي ثَابِتٍ إِذَا دَخَلَ شَعْبَانُ قَالَ: هَذَا شَهْرُ الْقُرَاءِ وَكَانَ عَمْرُو بْنُ قَيْسٍ الْمُلَائِيُّ إِذَا دَخَلَ شَعْبَانُ أَغْلَقَ حَائِطَهُ وَتَفَرَّغَ لِقِرَاءَةِ الْقُرْآنِ"

"Ilikuwa ikisemwa: mwezi wa sha'bani ni mwezi wa wasomi wa Qur'an, na alikuwa Habib Ibn Abi Thabit inapoingia sha'bani anasema: huu ni mwezi wa wasomi wa Qur'an, na alikuwa Amru Ibn Qais Al Mulaaiy' inapoingia sha'bani anafunga duka lake na kujitenga kwa ajili ya kusoma Qur'an"⁽¹²⁾.

Baadhi ya bidaa zinazofanywa inapofika nusu (katikati) ya sha'bani:

Tumetangulia kutaja hadithi inayoelezea fadhila za mwezi wa sha'bani:

«يَطْلُعُ اللَّهُ إِلَى خَلْقِهِ فِي لَيْلَةِ النِّصْفِ مِنْ شَعْبَانَ فَيَغْفِرُ لَجَمِيعِ خَلْقِهِ إِلَّا لِمُشْرِكٍ أَوْ مُشَاحِنٍ»
[Allaah huwatazama (kwa huruma) waja wake katika usiku wa katikati wa sha'bani, kisha huwasamehe waja wake wote ila mshirikina na hasidi]⁽¹³⁾.

¹¹- Kitabu: [Bukhari], (1914) na [Muslim], (1082).

¹²- Kitabu: [Latwaaiful Maarif], (Uk. 135).

¹³- Kitabu: [Sunan Ibn Maajah], (5665).

Lakini pia kuna hadithi nyingi zilizokuja kuelezea fadhila za mwezi wa sh'abani, kufunga kwake, kusimama usiku kuswali au kuswali swala maalumu katika usiku wa katikati ya mwezi huo, lakini hadithi zote hizo ima ni dhaifu na maudhuu'a (za kutunga), hazijathibiti mbele ya maulamaa watambuzi wa hadithi, kwa ajili hiyo wamezipinga hadithi hizo na kukemea ibada zilizotajwa ndani yake. Miongoni mwa hao ni:

1. Al-Haafidh Ibn Rajab (Allaah amrehemu) amesema:

"فَكَذَلِكَ قِيَامُ لَيْلَةِ النِّصْفِ لَمْ يَثْبُتْ فِيهَا شَيْءٌ عَنِ النَّبِيِّ صَلَّى اللَّهُ عَلَيْهِ وَسَلَّمَ وَلَا عَنْ أَصْحَابِهِ"

"Kadhalika kuswali usiku wa katikati ya mwezi wa sha'bani, haijathibiti kuhusu (swala) huyo hadithi yoyote kutoka kwa Mtume (Swala na Salamu zimshukie) wala kutoka kwa Maswahaba wake"⁽¹⁴⁾.

2. Sheikh Ally Mahfoudh (Allaah amrehemu) amesema:

"وَمِنَ الْمَوَاسِمِ الَّتِي نَسَبُوهَا لِلشَّرْعِ لَيْلَةُ النِّصْفِ مِنْ شَعْبَانَ عَلَى زَعْمِهِمْ، فَإِنَّ السَّلَفَ الصَّالِحَ لَمْ يَكُنْ لَهُمْ عَادَةٌ بِتَخْصِيصِ يَوْمٍ أَوْ لَيْلَةٍ بِالْعِبَادَاتِ إِلَّا إِذَا ثَبَتَ عَنِ النَّبِيِّ عَلَيْهِ الصَّلَاةُ وَالسَّلَامُ وَصَحَابَتِهِ الْكِرَامُ"

"Miongoni mwa misimu (ya ibada) ambayo wameinasibisha na sheria (ya uislamu) ni usiku wa katikati ya mwezi wa sha'bani kwa madai yao, kwa sababu Salaf (wema waliotangulia) haikuwepo kwao kawaida (mazoea) ya kuhusisha siku (mchana) au usiku fulani kwa ibada yoyote isipokuwa ikithibiti kutoka kwa Mtume (Swala na Salamu zimshukie) au kutoka kwa Maswahaba wake watukufu". Tazama: [Al-Ibdaa'u], (252).

3. Sheikh Ibn Baaz (Allaah amrehemu):

"وَمِنَ الْبِدَعِ الَّتِي أَحَدَثَهَا بَعْضُ النَّاسِ: بِدْعَةُ الْإِخْتِفَالِ بِلَيْلَةِ النِّصْفِ مِنْ شَعْبَانَ، وَتَخْصِيصِ يَوْمِهَا بِالصَّيَّامِ، وَلَيْسَ عَلَى ذَلِكَ دَلِيلٌ يَجُوزُ الْإِعْتِمَادُ عَلَيْهِ، وَقَدْ وَرَدَ فِي فَضْلِهَا أَحَادِيثُ ضَعِيفَةٌ لَا يَجُوزُ الْإِعْتِمَادُ عَلَيْهَا، أَمَّا مَا وَرَدَ فِي فَضْلِ الصَّلَاةِ فِيهَا فَكُلُّهُ مُوضُوعٌ، كَمَا نَبَّهَ عَلَى ذَلِكَ كَثِيرٌ مِنَ أَهْلِ الْعِلْمِ."

"Na miongoni mwa bidaa ambazo wamezusha baadhi ya watu: ni bidaa ya kusherehekea usiku wa katikati ya mwezi wa sha'bani na kuhusisha

¹⁴- Kitabu: [Latwaaiful maarif] (Uk. 137).

mchana wake kwa kufunga, na wala hapana juu hilo dalili yoyote inayofaa kuitegemea, na zimekuja kuelezea fadhila za usiku huo hadithi nyingi dhaifu, ambazo haifai kuzitegemea. Ama hadithi zilizokuja kuelezea fadhila za kuswali katika usiku huo zote ni Maudhuu' (zimetungwa), kama walivyo bainisha hilo maulamaa wengi"⁽¹⁵⁾.

4. Amesema Imamu Shaukani (Allaah amrehemu):

"وَقَدْ رُوِيَ صَلَاةُ هَذِهِ اللَّيْلَةِ أَغْنَى لَيْلَةَ النِّصْفِ مِنْ شَعْبَانَ عَلَى أَنْحَاءِ مُخْتَلِفَةٍ كُلِّهَا بَاطِلَةٌ مَوْضُوعَةٌ"

"Na zimepokewa (riwaya) nyingi (kuhusu) swala ya usiku huu, nakusudia usiku wa katikati ya mwezi wa sha'bani, (riwaya) zote hizo ni batili za kutunga"⁽¹⁶⁾.

Je matendo ya waja na riziki zao za mwaka hupangwa katika usiku huo?

Amesema ibn Uthaymin (Allaah amrehemu):

"أَنَّهُ اشْتَهَرَ عِنْدَ كَثِيرٍ مِنَ النَّاسِ أَنَّ لَيْلَةَ النِّصْفِ مِنْ شَعْبَانَ يُقَدَّرُ فِيهَا مَا يَكُونُ فِي الْعَامِ، وَهَذَا بَاطِلٌ، فَإِنَّ اللَّيْلَةَ الَّتِي يُقَدَّرُ فِيهَا مَا يَكُونُ فِي الْعَامِ هِيَ لَيْلَةُ الْقَدْرِ"

"Imetangaa mbele ya watu wengi kwamba usiku wa katikati ya (mwezi wa) sha'bani hupangwa ndani yake mambo yatayotokea mwaka mzima, na huu ni uwongo, kwa sababu usiku ambao hupangwa ndani yake mambo ya mwaka mzima ni usiku wa Lailatul Qadri, kama Allaah alivyosema:

﴿حَمْدٌ ** وَالْكِتَابِ الْمُبِينِ ** إِنَّا أَنْزَلْنَاهُ فِي لَيْلَةِ مُبَرَّكَةٍ إِنَّا كُنَّا مُنْذِرِينَ **﴾
فِيهَا يُفْرَقُ كُلُّ أَمْرٍ كَرِيمٍ ﴿

"H'a Miim ** Naapa kwa kitabu chenye kubainisha** Hakika tumekiteremsha katika usiku ulio barikiwa. Hakika Sisi ni Waonyaji ** Katika usiku huo hubainishwa kila jambo la hikima"⁽¹⁷⁾.

15- Kitabu: [katika kitabu [At Tahdhiir], (Uk. 29)]

16- Kitabu: [Al Fawaaidul Majmuua'], (Uk. 51).

17- Surat Ad Dukhan/3.

Akaendele akasema:

وَهَذِهِ اللَّيْلَةُ الَّتِي أُنْزِلَ فِيهَا الْقُرْآنُ هِيَ لَيْلَةُ الْقَدْرِ كَمَا قَالَ تَعَالَى:

Na usiku huu ambao imeteremshwa ndani yake Qur'an ni usiku wa Laylatul Qadr, kama alivyosema Allaah Ta'alaa:

﴿إِنَّا أَنْزَلْنَاهُ فِي لَيْلَةِ الْقَدْرِ﴾

“Hakika Sisi tumeiteremsha Qur'ani katika Laylatul Qadri, (Usiku wa Cheo)”⁽¹⁸⁾.

وَهِيَ فِي رَمَضَانَ، لِأَنَّ اللَّهَ تَعَالَى أُنْزِلَ الْقُرْآنَ فِيهِ، قَالَ تَعَالَى:

Na usiku huo upo ndani ya mwezi wa ramadhani, kwa sababu Allaah Ta'alaa ameiteremsha hiyo Qur'an katika mwezi huo, amesema:

﴿شَهْرُ رَمَضَانَ الَّذِي أُنْزِلَ فِيهِ الْقُرْآنُ﴾

“Mwezi wa ramadhani ambao imeteremshwa humo Qur'an”⁽¹⁹⁾.

فَمَنْ زَعَمَ أَنَّ لَيْلَةَ النِّصْفِ مِنْ شَعْبَانَ يُقَدِّرُ فِيهَا مَا يَكُونُ فِي الْعَامِ، فَقَدْ خَالَفَ مَا دَلَّ عَلَيْهِ الْقُرْآنُ فِي هَذِهِ الْآيَاتِ.

Mwenye kudai kwamba mambo ya mwaka mzima hupangwa katikati ya usiku wa mwezi wa sha'bani atakuwa amepingana na kile kilichotajwa na Qur'an katika aya hizi”⁽²⁰⁾.

¹⁸- Surat Al Qadr/1.

¹⁹- Surat Al Baqara/185.

²⁰- Kitabu: [Fataawa ibn Uthaymin], (Jz. 20, Uk. 30).

Miongoni mwa hadithi dhaifu na maudhuu'a (za kutunga) zinazo elezea fadhila za mwezi wa sha'bani; kufunga, kuswali, n.k

"إِذَا كَانَتْ لَيْلَةُ النَّصْفِ مِنْ شَعْبَانَ فَقُومُوا لَيْلَهَا وَصُومُوا يَوْمَهَا"

[Unapofika usiku wa katikati ya mwezi wa sha'bani swalini usiku wake na fungeni mchana wake].

Amesema Ibnul Jauziy (Allaah amrehemu): "Hadithi hii si sahihi"⁽²¹⁾.

"خَمْسُ لَيَالٍ لَا تُرَدُّ فِيْهَا الدَّعْوَةُ: أَوَّلُ لَيْلَةٍ مِنْ رَجَبٍ وَلَيْلَةُ النَّصْفِ مِنْ شَعْبَانَ"

"Nyusiku tano hayakataliwi ndani yake maombi, usiku wa mwanzo katika mwezi wa rajab na usiku wa katikati ya mwezi wa sha'bani".

Amesema Sheikh Albani (Allaah amrehemu): "Hadithi ya kutunga"⁽²²⁾.

"مَنْ أَحْيَا لَيْلَتِي الْعِيدِ وَلَيْلَةَ النَّصْفِ مِنْ شَعْبَانَ لَمْ يَمُتْ قَلْبُهُ يَوْمَ تَمُوتُ فِيْهِ الْقُلُوبُ"

"Mwenye kuswali usiku wa 'Iddi mbili na usiku wa katikati ya mwezi wa sha'bani, hautakufa moyo wake siku ambayo zitakufa ndani yake nyoyo".

Amesema Imamu Shaukani (Allaah amrehemu): "Hadithi hii haijathibiti kutoka kwa Mtume (Swala na Salamu zimshukie)"⁽²³⁾.

Wabillaahi Ttaufiiq.

2/sha'bani/1444" – 22/2/2024".

Pongwe Tanga.

²¹- Kitabu: [Al-'Ilalul Mutanaahiya], (Jz. 2, Uk. 71).

²²- Kitabu: [Silasilat Ahaadithi Ddha'iifa], (Jz. 3, Uk. 649). Hadithi namba (1452).

²³- Kitabu: [Al-'Ilalul Mutanaahiya], (Jz. 2, Uk. 71). Hadithi namba (924).